


Vijesti

07.11.2024.

Najnovije vijesti

Učešće na radionici na temu "Digitalizacije i borba protiv korupcija" i obukama "Indikatori korupcije u postupcima javnih nabavki" i "Osnove upravljačke odgovornosti"



OSCE Misija u BiH u saradnji sa Agencijom za državnu službu BiH, Agencijom za državnu upravu Republike Srpske, Agencijom za državnu službu Federacije BiH i Pododjeljenja za ljudske resurse i zapošljavanje Brčko distrikta BiH u prethodnom periodu je organizirala obuke za rukovodeće državne službenike sa svih nivoa vlasti u BiH, a u okviru strateškog okvira za borbu protiv korupcije u BiH.

Predstavnik Agencije za forenzička ispitivanja i vještačenja je uzeo učešće na radionici na temu "Digitalizacije i borba protiv korupcija" koja je održana 29. 10. 2024. godine u Sarajevu. Kroz interaktivne sesije i razmjenu iskustava, učesnici su stekli dragocjena znanja o ulozi digitalizacije u javnom sektoru, s posebnim fokusom na prevenciju korupcije i jačanje etičkih standarda. Digitalizacija u javnoj upravi ima ključnu ulogu u borbi protiv korupcije, jer omogućava efikasniju i transparentniju komunikaciju, brže procedure i lakšu dostupnost informacija za građane. Uvođenjem digitalnih rješenja smanjuje se prostor za netransparentne procese, čime se jača odgovornost javnih institucija.

Takođe, predstavnik Agencije za forenzička ispitivanja i vještačenja je uzeo učešće i na obukama koje su organizirane 5. i 6. 11. 2024. godine na Jahorini, a čije teme su bile "Indikatori korupcije u postupcima javnih nabavki" i "Osnove upravljačke odgovornosti". Učešće u ovim obukama je uzelo 10 rukovodećih državnih službenika iz institucija BiH, 17 rukovodećih državnih službenika iz federalnih organa državne službe i 4 rukovodeća državnih službenika iz republičkih organa uprave Republike Srpske.

Svrha održavanja programa je jačanje kapaciteta rukovodećih državnih službenika sa ciljem postizanja zajedničkog pristupa u rješavanju dilema sa kojima se svakodnevno suočavaju u praksi. Kroz ovu obuku, rukovodioci su stekli znanja koja će doprinijeti modernizaciji uprave i povjerenju građana u institucije, što je osnova za uspješnu i održivu javnu upravu u BiH.

Prilozi

